

# Tusagâtsak Nunaliujunut

(Nain, NL) June 20, 2007 – Nunalet uKâlaKataunngit Kaujisagiamut nutâtsamut piusituKaligijipvisammut Nain-imi pigiasijut ullumi.

Nunatsiavut kavamanga pannaigutiKavut mânnaujuk Kanuilingausitsanganik illusangata Torngâsukkut. Nutâk suliaKapvisak iniulâkKuk piulimatsiviulluni, itsasuanitanik, allanguattaumajunut ammalu uKausituKamik ilinniaviulluni. Ilanga pitaKalâkKuk piusituKausimajunut sakKijâtitsiviulluni, takunnausigimmijavut “atullagittautillugu” piusituKagijattinut taimaimmat atutsianiKalâkKut akungani suliaKapviuluni piusituKagijajunik amma nunaliujunut ilinganiKatsialuni.

PiusituKaligipvisak NainimeniakKuk, tavatualli pikKujiusivut ilonnainik kiggatugumavugut Nunatsiavummi nunaliujunik ikajuttaugutilinnilu. Tamatsumunga, ikajutsijuKatsiagiaKavuk ilauKataujuKatsialunilu ikajuttaugutilinnik Nunatsiavummi, nunaliujunik, tigumiaKataullagittunillu.

Taimaimmat, Kaujitsigiattutuit nunaliujunut aikatanitsangita ullusangit pannaigettaumavut pigiasillutik June 20 tikiutillugu July 13. Nunaliujuit katimatitaulâtut atunik nunaliujuni, amma kinakkutuinnait katimaKataugunnatillugit timiKutiujuit ammalu suliaKapvigalait.

IlauKataukKujidlagaluakKugut ikajuttaugutilinnik nunaliujuit katimaKataullutik Kaujittaulippata ikKanallagimmat tamânegutsi pivalliatauninganut piusituKaligipvisavut.

## Imailingavut Ullusangit Kaujitsigutitsait Nunaliujuni:

<b>Nain</b>	<b>June 20-22</b>	<b>Makkovik</b>	<b>July 4-6</b>
<b>Hopedale</b>	<b>June 25-27</b>	<b>North West River</b>	<b>July 11</b>
<b>Rigolet</b>	<b>June 27-28</b>	<b>Goose Bay</b>	<b>July 12-13</b>
<b>Postville</b>	<b>July 2-4</b>		

Nunatsiavut Ikajuttaugutilingit pivitsaKattitavut tunisigiamut Kaujitsiutiminik [catherine@nunatsiavut.com](mailto:catherine@nunatsiavut.com) KaujitsijuKalippat nunagijamini ilauniangikutik.

**KaujitsigunnaKutit:** tamatsumunga Kaujigiallagumaguvit Catherine Andersen Aulatsijik, Torngâsok Cultural Centre, Nunatsiavut Government, Tel: (709) 922-2942, Email: [Catherine@nunatsiavut.com](mailto:Catherine@nunatsiavut.com)